

十朝东华录

雍正朝第四函

函六册

光緒二十五年
仿泰西法石印

雍正朝

東華錄目錄

雍正一 起康熙六十一年十一月甲午盡十二月

雍正二 起雍正元年正月盡六月

雍正三 起元年七月盡十二月

雍正四 起二年正月盡六月

雍正五 起二年七月盡十二月

雍正六 起三年正月盡六月

雍正七 起二年七月盡十二月

雍正八 起四年正月盡六月

雍正九 起四年七月盡十二月

雍正十 起五年正月盡六月

雍正十一 起五年七月盡十二月

雍正十二 起六年正月盡六月

雍正十三 起六年七月盡十二月

雍正十四 起七年正月盡六月

雍正十五 起七年七月盡十二月

雍正十六 起八年正月盡六月

雍正十七 起八年七月盡十二月

雍正十八 起九年正月盡六月

雍正十九 起九年七月盡十二月

雍正二十 起十年正月盡六月

雍正二十一 起十年七月盡十二月

雍正二十二 起十一年正月盡六月

雍正二十三 起十一年七月盡十二月

十朝東華錄

目錄

雍正二十四

起十二年正月盡六月

雍正二十五

起十二年七月盡十二月

雍正二十六

起十三年正月盡八月己丑

世宗憲皇帝 聖訓第四子也 母孝恭仁皇后吳雅氏原任護軍參領加封一等公衛武之女端莊恭肅慈惠安和事 聖祖

皇帝裕慶內治若範宮庭嘉祥樂歲宵夢月入懷華彩四照已兩誕 上康熙十七年戊午十月三十日寅時也誕生之夕祥光煜

燭經久弗散闔宮稱異 上天壽育偉隆準順身雙耳豐垂目光炯照音吐洪亮舉止端凝大智夙成宏才肆應允恭克讓寬裕有

容功勛書史博覽弗倦精究理學之源旁徵性宗之旨天章濤發一就萬言書法道雄妙兼眾體每籌度事理評議人材因端竟委

燭照如神輅略機宜皆所洞悉而性尤純孝婉愉愛慕悉本乎至誠遺事 孝莊文皇后 孝憲章皇后備膺 慈眷侍奉 聖祖

仁皇帝 孝恭仁皇后盡禮盡敬仰恆歡心偶遇 聖祖違和必躬親湯藥問視惟虛晝夜無少懈 聖祖常稱爲誠孝焉又誼敦

友愛值二阿哥罪廢眾議當幽禁 上獨涕泣不能起 聖祖爲之動容平日無私交無黨援無干譽秉道守義巋然自重當奉

命臨統率將士軍紀肅初封多羅貝勒首封和碩雍親王每值 鑾駕巡方翠華駐蹕輒命扈行軍國大計亦多諮決禮祀鉅

典恆令恭代 聖祖嘗諭諸大臣曰朕萬年後必擇一堅固可託之人與爾等作主令爾等示享太平蓋天心默定神機攸歸久矣

○康熙六十一年壬寅十一月甲午 聖祖仁皇帝寅天先是十一月癸酉 聖祖自暢春園幸南苑行圍戊子 聖躬不豫因回

駐暢春園庚寅以冬至屆期將大祀於 南郊命 上恭代 上於齋所致齋甲午 聖祖疾大漸召 上於齋所遂召誠親王允

祉鴻郡王允祐多羅貝勒允禩固山貝子允禔敦郡王允祿固山貝子允祹卓十三子允祥尙書隆科多至 御榻前宣諭曰皇四

子人品貴重深得朕躬必克克承大統著繼朕登基卽皇帝位 上聞召跪至趨進 寢宮問安戊刻 聖祖賓天 上慟哭仆地

良久乃起趨至 御榻前撫足大慟親爲 聖祖更衣選用 孝莊文皇后製賜御服 上皆敬加於首然後進御恭奉 大行皇

帝還大內安於乾清宮○乙未禮部奏大殮儀注諭 皇考教養文武大小臣工六十餘年孰不躬沐深恩今一旦升遐悲痛切至

實出衷忱大殮時著令王貝勒貝子公文武大臣俱入乾清門令其瞻仰得盡哀戀之情又諭公主王妃豈可遠列丹旌著仍入大

內親近 梓宮使得盡哀朕之兄弟子姪亦令俱入乾清門在將陞上隨行禮○戊刻 大行皇帝大殮 上痛哭失聲擗踊無

數旣殮遂行祭製禮凡尊卑並登 上皆躬自陳設奠饌飲食儼如視膳哀感羣臣咸痛哭伏地莫能仰視○諸王大臣奏請諱陰

之次或御昭仁殿或御弘德殿諭朕遺 皇考大事哀痛方深何忍安居內殿其以乾清宮東廡爲倚廬自後 上居乾清宮東廡

席地寢苦感 皇太后高年過哀每夜五鼓親詣問安○命貝勒允禩十三阿哥允祥大學士馬齊尙書隆科多總理事務諭朕苦

塊之次中心紛拏所有啟奏諸事除朕著昭事件外餘俱交送四大臣凡有諭旨必經由四大臣傳出並令記檔則諸事庶乎秩然

不紊其奏事官員處亦令記檔至 皇考時所有未完事件何者可緩何者應行速結朕未深悉著大臣等將應行速結等事會同

查明具奏○諭總理王大臣等西路軍務大將軍職任重大十四阿哥允禔難離暫離但遇 皇考大事伊若不來恐於心不安著

速行文大將軍王令與弘曙二人馳驛來京軍前事務甚屬緊要公延信著馳驛速赴甘州管理大將軍印務並行文總督年羹堯於西路軍務糧餉及地方諸事俱同延信管理年羹堯或駐肅州或至甘州刻在軍務或至西安辦理總督事務令其酌量奏聞至見在軍前大臣等職名一併繕寫進呈爾等會議具奏尋議諭旨甚屬周詳應速行文大將軍王將印敕暫交平郡王訥爾素署理即與弘曙來京得旨副都統阿爾納著隨大將軍王來京副都統阿林保著隨弘曙來京○諭貝勒允禩十三阿哥允祥俱封為親王王二阿哥之子弘晳封為郡王○丙申 上哀癢過甚 皇太后屢傳諭勸進飲食 上泣奏曰臣若能進飲食必稍進以慰慈衷諸王大臣奏請節哀並勸進飯粥諭仰思 皇考深恩不但諸王大臣哀慈無窮凡官員兵民均茲依戀况朕親承鞠育奚能自已且朕既受付託之重酌量可進飲食朕自少進若勉強飲食反於朕躬無益嗣後不必勸奏○命蒙古王台吉等未出痘者免其來京朝謁 梓宮者增給口糧○丁酉頒 大行皇帝遺詔○命速修景山壽皇殿肅朕受 皇考深恩如天罔極忽升仙輿攀戀無從惟有朝夕瞻近 梓宮稍盡哀慕之忱今王大臣等所議安奉之處或在南海子或在鄭家莊此二處隔越郊外離宮禁甚遠朕心不忍緬惟 世祖章皇帝大事時曾安奉景山壽皇殿朕意亦欲安奉於景山壽皇殿庶得朝夕前往親行奠獻○諭先因京師米價騰貴 皇考宵旰焦勞特命朕查視各倉彼時見倉糧充溢露積不少因請將應行出倉之米迅速辦理蒙 旨俞允朕今仰體 皇考軫恤民生至意務令米價漸平交與監督張坦陳守創等會同倉場總督帶領工部賢能司官將倉庫確實料估應修補者速行修補應添建者於明歲春初添建所需錢糧動用捐貲驛站銀兩其應否補項之處再議此事並非此時應下之旨係遵奉 皇考原下之要旨是以特諭 皇考念切天下兵民生計因京師米貴焦思極慮當龍馭上賓之時猶倦倦未釋於懷向來口外米穀不准運進口內而燒鍋仍照常開設可速合口外米穀准其進口其開設燒鍋著行禁止○戊戌禮部進 登極儀注上自乾清宮月臺坐御輿出乾清門諭乾清宮安奉 梓宮雖懸設簾帳朕何忍在 皇考前乘輿而出中門著移向乾清門朕出東旁門乘之又奏請 御殿行禮畢例應列坐賜茶諭朕祇承 皇考遺命勉抑哀衷以遵大禮豈忍安坐飲茶即在朝羣臣亦誰能不咽著停止賜茶又奏擇賢人員應擇玉寶由乾清宮御路中行諭此寶雖 皇考舊日所御今傳之於朕 梓宮在上豈可竟由中路而出著由甬路旁行○封固山貝子蘇努為多羅貝勒○命兵部尚書白潢協理大學士事務○召工部左侍郎署湖廣總督滿丕來京在原任侍郎內行走以楊宗仁為湖廣總督年希聖署廣東巡撫原任江南安徽布政使○以內廷舊勞贈故大學士張英為太子太傅刑部侍郎屬杜訥為禮部尚書○己亥 上以 大行皇帝遺詔定制二十七日釋服諭諸王滿漢大臣曰三年持服乃人子之道若未遂朕志必致憾恨無已爾諸王滿漢大臣宜體朕意○調張伯行辦理戶部右侍郎錢局事務以李英貴為總督倉場侍郎由內務府○庚子 上以登極遣官告祭 天地 太廟 社稷 奉先殿○禮部奏 皇上登極先詣 皇太后前行禮畢然後御殿並奏於 皇太后奉 皇太后懿旨皇帝誕膺大位理應受賀至與我行禮有何關繫况 先帝喪服中即云朝服

後皇帝行禮我心實爲不安若行禮是日王大臣等又繕摺國請 皇太后仍不允 上又再三懇請奉 皇太后懿旨諸王大

臣等跪引 先帝所行大禮懇切求請我亦無可如何今晚於 梓宮前謝恩後再行還宮禮部又奏 皇上紹承大寶應請

梓宮前行告祭禮至上食奠酒請遣員恭代諭奠酒時朕仍親奠禮官即哀朕得多近 皇考梓宮愈增福祚更復何所避忌明日

上食爾部大臣引朕至乾清門外朕親奠畢旁立候徹祭再行告祭禮○辛丑 上即皇帝位於太和殿頒詔天下以明年爲雍正

元年加恩中外罪非常赦所不原者咸赦除之○諭朕惟自古賢聖之君必有顯號徽稱以彰功德之盛垂於萬世此國家不易之

鉅典也仰惟我 皇考大行皇帝臨御六十一年早承大統寬畏小心旦明懷昭格之忱郊祀親升中之典監於成憲率由舊章孝

奉 兩宮尊養兼至展致 陵 廟備物盡誠總攬萬事成兆姓錫嘏動盈千萬賑恤曾不積時水旱先籌雨暘必逮寬刑肆赦

德洽聲生盛昌則釋罔罰嚴寒則賑饑窮兵糧給優賞頻頒准旬屢巡動數百萬之帑金運 睿謨而兩河底績傳邦特幸行數

千年之殊禮 帝尊而九拜崇師覽奏騰而利弊周知親臣僚而賢愚立辨保全勳舊庇廢宗支廣育人材敦厚風俗布昭聖武

申討不庭元裔背叛而旋踵就戮三孽逆命而剋期獻馘俄羅斯喀喀喀之疆國諭以威德即奉約章喀爾喀偏厄魯特之羣殘

納其困窮胥登衽席噶爾丹肆毒鄰境三臨絕漠靖烽煙策畋阿喇布坦摧滅異國出師命將恢復威地臺灣置郡紅苗革心南

朔東西無思不服至於天縱生知日新好學講進時御手定六經廣博士於五賢配先儒於十哲文苑二典盡遺百家貫徹天文總

括地理旁羅術數考正元聲研索羣編鑒裁纂輯凡此難名之美善洵亘古帝王首出之一人雖復累績連章不能紀述萬一朕方

與天下臣民均切怙戴不意 龍馭上賓顧予冲人嗣膺大統仰承 佑啟之恩敢後顯揚之禮謹考彝章宜升 尊諡爾部詳察

典禮具奏○王寅諸王大臣等具奏請遵 大行皇帝遺詔二十七日釋服得旨 皇考大行皇帝聖德神功罕有比倫實爲亘古

未有之 聖君朕亦不宜行近代相沿之典禮釋服之制以日易月雖始於漢文而高宗憲隆三年獨非古制乎朕不能上比高宗

而哀慕之情不能自己且稽之史冊漢文以來誰能媲美 皇考則朕又安忍守漢文二十七日之制乎本朝舊制釋服亦待百日

之期庶可稍盡思君思父之哀衷揣爾等之意惟恐過勞朕躬殊不知朕若持服尙可少進餽粥暫眠苦塊如必強朕釋服則朕必

至寢食俱廢矣朕言及此曷勝嗚咽爾諸王大臣其諒之○晉封故大學士三等公圖海爲一等公致祭一次仍以其孫馬爾賽襲

○大學士等奏頒雍正年號錢文式樣得旨錢文係國家重務同因錢價昂貴常厘 皇考聖懷今何以使錢文價平方合 皇考

便民利用之意從前雲南巡撫楊名時題請鼓鑄部議不准舉行滇省之外何省應令鼓鑄與錢價有益者總理事務王大臣九卿

公同會議具奏尋議鼓鑄錢文應令雲南四川兩省設鑄鼓鑄從之○甲辰 上詣 大行皇帝梓宮前行初祭禮○諸王大臣等

復奏國家 郊 廟祀典必待 皇上除服後舉行大禮不可久闕考據古今典禮合辭懇請遵奉 大行皇帝遺詔以二十七日

釋服得旨覽諸王大臣房奏引據經書義理明晰朕惟有嗚咽悲慟耳始知爲君之難止此持服一節乃天子第一苦衷曾不如臣

十明東華錄 卷三十一

庶尚能各盡其心雖勉從所請朕之哀思因茲愈切矣○諭修國維製公奏摺蒙 皇考留中此一等公爵著隆科多承襲修國維

墳塋交與該部修理加祭一次○命大將軍以下及直省督撫提鎮等差員齋捐到京者照常啟奏無得沈滯○乙巳總理王大臣

等奏 大行皇帝尊諡廟號伏候 皇上親定得旨 皇考大行皇帝尊諡廟號諸王大臣等請朕親定朕思子臣尊崇君父之心

何有止極然必須至允至當方平千秋定論若少有溢美之詞不獨失天下之至公且開後人之僭越是因臣子之愚思愚孝轉騰

君父盛德大業之實行涉於贊頌之虛文朕心殊不安也我 皇考大行皇帝繼續大統舊典本應稱宗但經云祖有功而宗有德

我 皇考鴻猷駿烈冠古標今拓宇開疆極於無外且六十餘年手定太平德澤恩溥萬國來王論繼續則爲守成論勳業實爲開

勦朕意宜崇 祖號方副豐功但追崇大典攸關理應會謀共協爾諸王大臣等會同九卿詹事科道文六品以上武四品以上詳

考舊章從公確議毋得依違毋得附和務期紀實以垂萬年○丙午諭隆科多應稱呼舅舅嗣後啟奏處書寫舅舅隆科多○戊申

以福敏爲內閣學士原任應（己酉諸王貝勒貝子公文武大臣官員等議奏 大行皇帝尊諡廟號議曰謹按傳云爲人君止於

仁禮運云仁者義之本順之體也得之者尊說文云在天爲元在人爲仁故易曰元者善之長仁者德之首 大行皇帝體元立政

成育羣生以義制事綏安兆姓史稱帝堯其仁如天惟 大行皇帝實與並之又按禮經云有虞氏禘黃帝而郊畧祖顓頊而宗堯

而尚書舜典云舜格於文祖釋者謂文祖堯廟也又謂格於太祖釋者謂藝祖堯之祖也合之祖顓頊之文則有虞氏有三祖矣宋

臣陳祥道云凡配天者皆得稱祖故國語展禽有有虞氏祖高陽而郊堯之說堯所以稱文祖也顓頊至堯皆黃帝子孫而皆稱祖

又周禮大宗伯禘祫追享朝享解云古者朝廟合羣祖而祭焉故禘謂之朝享以合羣祖爲不足又禘其祖之所自出故禘謂之追

享夫祖之所自出始祖也而其下曰羣祖則自始祖以下皆可稱祖矣又諡義曰帝王功業隆盛引古者祖有功之義得稱祖此經

書可據者臣等謂惟 聖字可以贊揚 大行皇帝之懿德惟 祖號可以顯彰 大行皇帝之隆功恭擬敬上 尊諡曰 合天

弘運文武睿哲恭儉寬裕孝敬誠信功德大成仁皇帝 廟號曰 聖祖是日 上召諸王大臣等入論曰諸王大臣官員俱深悉

我 皇考一生神聖實行同心合詞恭上尊稱無一人異詞甚愜朕懷朕之哀思庶可稍釋諭畢 上持鍼刺中指出血將奏內

聖祖二字闔出敬恭高捧交學士等齎出○諭內務府總管等諸王大臣會云朕持服二十七日後應居乾清宮朕思乾清宮乃

皇考六十餘年所御朕即居住心實不忍脫意欲居於月華門外養心殿著將殿內略爲葺理務令素樸朕居養心殿內守孝二十

七月以盡朕心○庚戌歲大學士等朕惟敷政之道用人惟先關門籲俊之典由來向矣然知人則哲自古爲難朕在藩邸不與朝

臣往來所以內外大小官吏皆不能悉知今荷 皇考大行皇帝命承大統臨御之初簡用人材爾諸大臣皆久蒙 皇考知遇任

以股肱茲值 梓宮在上靈爽式憑爾等哀感交迫之時益當各竭忠盡仰報高深內而大臣以及開曹外而督撫以及州縣或品

行端方或操守清廉或才具敏練者爾等各據真知灼見從公具摺密奏古人云內舉不避親外舉不避讐爾等果矢公忠以人報

國或素日同僚共事或同鄉同年或門生親戚子弟俱准保奏勿避嫌疑勿徇私援黨勿沽名市恩勿輕聽風聞勿言過其實有一於此則上負 皇考任用之恩又負朕諮詢之意矣 皇考遺命屬朕篤愛懿親保全臣下數十年來聖明之世本不容有養食昭

著之人朕所需者人材但當有舉無劾毋得修怨陷害爾等具摺或滿字或漢字各須親寫不可假手於子弟詞但達意不在文理字畫之工拙其有不能書寫者即行面奏至於政事中有應行應革能裨益國計民生者果能深知利弊亦著各行密奏朕自即位

以來用人行政若有闕失亦以直言毋隱朕之諄切詢問者一則急欲得人以資治理二則欲知朕行事之當否三則觀爾等所舉之人及所奏之事便可知爾等之居心制行矣○諭理藩院翁牛特公鄂齊爾自幼跟隨我 皇考效力多年人甚謹慎朕十歲時

亦曾跟隨出獵行走著封為貝子○以覺羅蘇庫為禮部尚書由盛京兵部侍郎由內閣 遣御史巡查 陵寢道路嚴禁騷擾派累

十二月壬子朔以奉移 大行皇帝梓宮告祭 上從苦次望見陳設祭品失聲大慟諭誠親王允祉等曰 皇考明年七旬大慶

吾兄弟等方思 萬壽聖節在暢春園盡誠致敬供奉甘旨與四海臣民共效無疆之祝豈意今年此日乃於乾清宮作如此陳設

耶復大慟不止諸王皆伏地號慟大臣近侍在左右者咸感泣不能仰視○諭宗室及覺羅人等 皇考至仁至厚恩篤宗支凡宗

室覺羅大罪薄懲小罪寬免歷年無一人及於刑辟者必不得已乃令圈禁朕思 皇考時聞罪圈禁之人原不應釋放祇以見遇

恩赦姑予寬宥伊等當念宗室覺羅須閉戶家居安分靜守慎毋枯過不改再罹重罪○禁止八旗官員詬罵屬下人等父母違者

交該管官懲治○癸丑諭戶部 皇考御極六十餘年澤周兆姓凡巡幸所經小民除道清塵趨事恐後古北口一路為我 皇考

每年行幸之地農工商賈皆得瞻仰 天顏親承膏澤朕念此路百姓歷年彈力宜加恩恤著將宛平順義懷柔密雲平谷五縣昌

平一州雍正元年正額錢糧盡行蠲免又 陵寢一路此時正當修道亦宜加恤著將大興三河二縣通薊遵化三州雍正元年正

項錢糧亦盡行蠲免○甲寅 大行皇帝梓宮安奉 壽皇殿自後 上每日黎明詣 壽皇殿獻食親德殿席地坐日哺方回苦

次○諸王大臣等合詞恭懇節哀諭朕受 皇考教誨鞠育四十餘年今遇大事哀痛迫切實不能已朕非於此自謂盡孝也况天

降編雪林木皆白自安奉 梓宮羣鵲環繞殿庭哀鳴七夜仰觀 天意俯察物情尚且如此朕能已於沈痛乎今 梓宮奉移壽

皇殿朕未釋服之前必每日三次親詣獻食一月內每日一次親詣獻食一月外數日親詣一次如此庶可稍釋悲思若欲朕銜哀

渾制則朕心愈無以自解爾諸王大臣不必再奏○諭總理王大臣等從前 皇祖母孝惠章皇后大事時 皇考命貝子允禩署

理內務府總管事務辦理妥協 皇考曾深嘉之今茲大事允禩經理三衙門事務并井有條其辦理 梓宮事務甚為效力允禩

著封為郡王其總理事務之王大臣等亦克殫惻誠諸事允當除二王已經加恩外舅舅隆科多大學士馬齊俱著賞給阿達哈

番世職○調李永紹為盛京工部侍郎以李周望為戶部左侍郎黃叔琳為內閣學士

○命八旗詳察孝行素著者以聞○

貴妃封爲皇貴妃又和妃奉事 先帝最爲謹慎應將和妃封爲貴妃朕惟 皇太后聖心至仁至厚此 旨實爲允當爾等會同 禮部查例具奏又諭朕奉 皇太后懿旨爾兄弟之母當加意相待朕念十二阿哥之母多年侍奉 皇考甚爲謹慎久列嬪位今 晉封爲妃十五阿哥之母十六阿哥之母煩亦晉封爲妃再見在有會生兄弟之母未經受封者俱應封爲貴人六公主之母應封 爲嬪內有一常在年已七旬亦應封爲貴人○戊午諭吏部兵部王大臣等驗看革退人員內其武職官曾在軍旅效力身經受傷 雖年齒衰邁仍留職銜文職除年老庸劣外若由進士舉人正途出身初選知縣即以才力不及革退亦屬可憫嗣後將此等人員 或改授教職或以原品休致著會同酌議定例遵行○停止直省將軍督撫提鎮等官貢獻方物其有恭獻 梓宮前食品及齋送 御用藥物仍照常呈進○定下五旗補放參領各缺均勻公派親王門下參領不得過三員郡王門下參領不得過二員○庚申 上釋服移居養心殿○辛酉諭總理王大臣等往年稅差官員公帑無虧而羨餘又足養贍家口兼及親族近日則不然率多虧帑 獲罪歸亦無顏見其族戚公私均屬無益 皇考洞鑒其故每將稅務交與地方官管理各省已居其半嗣後稅務悉交地方官監 收歲額之外所有羨餘該撫奏聞起解應賞給着再行賞給爾等會同戶部工部衙門議奏○諭山東按察使黃炳著補授山東巡 撫山東巡撫謝賜履操守頗好人亦謹慎但見今漕船阻凍兼有修築河工之事謝賜履係新任之員未能諸悉著以相當之缺另 行補授至於黃河衝決見在堵築未竣今冬若不乘時辦理恐至來春桃汛時愈難措置置國子監祭酒齊蘇勒著補授山東按察使 先赴河南會同楊宗義陳鵬年將今冬修理黃河之處商酌明白再赴按察使新任山東漕運河道事務亦著齊蘇勒會同巡撫辦 理李樹德向蒙 皇考簡任山東巡撫旋改福州將軍尚未赴任今東省錢糧事宜清查著宜兆熊前赴福州署理將軍事務李樹 德代宜兆熊署理都統事務清查伊任內錢糧○禮部議覆據朝鮮國王解送山東探漁人楊三等十四人被風飄至伊國審無信 票又據奉天將軍春報楊三等至鳳凰城始將信票交出復被領催雅爾泰失去應將楊三等交山東巡撫確查會否給票雅爾泰 照例治罪得旨朝鮮誠心篤敬臣服我朝歷年已久今將被風飄至楊三等船隻送回伊等或實係風飄到彼或匪類藉端欲爲不 法俱未可定嗣後飄風船隻入口驗有票文並未生事者照舊令其送回若無票文生事犯法者著朝鮮國即照伊國法究治庶足 懲匪類而戒妄行著九卿詹事科道公同會議具奏○壬戌賞授高其倬雲貴總督陳鵬年河道總督德音山西巡撫馮毅廣東巡 撫○論八旗禁酗酒○封貝勒允禩爲和碩廉親王十三阿哥允祥爲和碩怡親王貝子允禩爲多羅履郡王二阿哥子弘晳爲多 羅理郡王○禮部遵 大行皇帝諭旨議覆歷代帝王廟原祀伏羲氏神農氏軒轅氏金天氏高陽氏高辛氏陶唐氏有虞氏夏禹 王商湯王周武王漢高祖世祖唐太宗遼太祖宋太祖金太祖世宗元太祖世祖明太祖二十一位今擬增夏殷仲康少康桀槐芒 泄不降局廬孔甲皐發商太甲沃丁太庚小甲雍己太戊仲丁外壬河亶甲祖乙祖辛沃甲祖丁南庚陽甲盤庚小辛小乙武丁祖

庚祖甲庚辛庚丁太丁帝乙周成王康王昭王穆王共王懿王孝王夷王宣王平王桓王莊王僖王襄王頃王匡王定王簡王
靈王景王悼王敬王元王貞定王考王威烈王安王烈王顯王慎觀王漢惠帝文帝景帝武帝昭帝宣帝元帝成帝哀帝明帝章帝
和帝殤帝安帝順帝沖帝桓帝靈帝昭烈帝唐高祖高宗睿宗元宗肅宗代宗德宗順宗穆宗文宗武宗宣宗懿宗僖宗遼太宗景
宗聖宗興宗道宗宋太宗真宗仁宗英宗神宗哲宗高宗孝宗光宗寧宗理宗度宗端宗金太宗章宗宣宗元太宗定宗憲宗成宗
武宗仁宗大定皇帝文宗寧宗明太宗仁宗宣宗英宗景皇帝憲宗孝宗武宗世宗穆宗恭宗高宗宣宗元太宗定宗憲宗成宗
祀黃帝臣風后力牧唐虞臣皋陶夔龍伯夷伯益商臣伊尹傳說周臣周公旦召公奭太公望召虎方叔漢臣張良蕭何曹參陳平
周勃鄧禹馮異諸葛亮唐臣房元齡杜如晦李靖郭子儀張巡許遠李晟宋臣曹彬韓世忠岳飛金鉉幹魯粘沒喝幹離不元臣木
華黎伯顏明臣徐達劉基三十九人今擬增黃帝臣蒼頡商臣仲虺周臣畢公高呂侯仲山甫尹吉甫漢臣劉章魏相丙吉耿弇馬
援趙雲唐臣狄仁傑宗景姚崇李泌陸贄裴度遼臣耶律魯宋臣呂蒙正李沆寇準王曾范仲淹富弼韓琦文彥博司馬光李綱
趙鼎文天祥元臣不忽木脫脫明臣常遇春李文忠楊士奇楊榮于謙李賢劉大夏凡四十人得旨是依議速行○癸亥諭陳夢雷
原係缺職職精忠之人 皇考寬仁免戮發往關東後東巡時以其平日稍知學問帶同京師交誠親王處行走累年以來招搖無
忌不法甚多京師斷不可留著將陳夢雷父子發遣邊外或有陳夢雷之門生平日在外生事者亦即指明陳奏楊文言乃耿逆偽
相一時漏網公然潛匿京師著書立說今雖已服冥刑如有子弟在京者亦即奏明驅遣爾等毋得徇私隱蔽陳夢雷處所存古今
圖書集成一書皆 皇考指示訓誨 欽定條例費數十年 聖心故能貫穿今古彙合經史天文地理皆有圖記下至山川草木
百工製造海西秘法靡不備具洵為典籍之大觀此書工猶未竣者九卿公舉一二學問淵通之人令其編輯竣事原稿內有訛錯
未當者即加潤色增刪印副 皇考稽古博覽至意○諭九卿等自 皇考升遐以來朕心哀慕無已一應典禮俱詳考舊章務從
降備蓋不敢以天下儉其 親也但上之所行下必效之向來八旗官員於喪葬等事每多靡費今見朕備禮如是恐習以成風競
尚奢侈而兵民等或至傾家蕩產殊非朕以禮教天下之意論語云禮與其奢也寧儉喪與其易也寧戚禮記云喪具稱家之有無
載在典籍約然昭著九卿等將滿漢官按其品級分爲等次及兵民喪葬務從簡樸毋得僭妄並將婚嫁等禮詳議定例著爲令
○諭刑部恩詔內赦罪一款徒開惡人微倖之門於政治甚無裨益因朕卽位之初諸臣援例陳請姑用允行實則此等罪人皆其
自取並非治之以不應得之罪也此番援救豁免人等俱宜詳記檔案如已赦之後仍不悛改干犯法紀務必將伊等加等治罪著
詳悉曉諭○命大學士蕭永藻尙書凱音布陳元龍刑部右侍郎周道新原任侍郎穆爾泰往馬蘭峪撻視 陵寢以蕭永藻動慎
廉潔特加太子太傅銜○命雍正元年開鄉會恩科於四月鄉試九月會試十月殿試其癸卯甲辰鄉會試正科改於雍正二年舉
行一月鄉試八月會試九月殿試○命年老大臣乘馬入紫禁城○裁直隸惠清河監督缺令通州坐糧廳兼理○甲子 上詣

壽皇殿行月祭禮○諭部院各衙門凡出示曉諭原欲利民除弊使人知所遵奉以昭功令也近見各衙門出示或變易舊章或恣

徇私意或作威作福或鈞譽沽名往往朝夕自爲更改彼此互相矛盾胥吏因之以作奸胥小藉端以滋擾種種弊竇不可勝舉

先帝嘗深惡之嗣後各衙門遇當禁約曉諭之事務期矢公矢慎協情當理可以永遠奉行方准出示儻仍蹈故轍科道官即行

參奏治罪○諭戶部自古惟正之供所以儲軍國之需當治平無事之日必使倉庫充足斯可有備無患 皇考躬行節儉裕國愛

民六十餘年以來鑄租賜復殆無虛日休養生息之恩至矣而近日道府州縣虧空錢糧者正復不少揆厥所由或係上司勒索或

係自己侵漁豈皆因公那用 皇考好生如天不忍卽正典刑故伊等每恃寬容毫無畏懼恣意虧空動輒盈千累萬督撫明知其

弊曲相容隱及至萬難掩飾往往改侵欺爲那移勒限追捕視爲故事而全完者絕少遷延數載但存追比虛名究竟全無著落新

任之人上司倡受前任交盤彼既畏大吏之勢雖有虧空不得不受又因以啟效尤之心遂藉此挾制上司不得不爲之隱諱任意

侵蝕展轉相因虧空愈甚一旦地方或有急需不能支應關繫匪淺朕深悉此弊本應卽行徹底清查重加懲治但念已成積習姑

從寬典除陝西省外限以三年各省督撫將所屬錢糧嚴行稽查凡有虧空無論已經參出及未經參出者三年之內務期如數補

足毋得派累民間毋得藉端遮飾如限滿不完定行從重治罪三年補足之後若再有虧空者決不寬貸至於署印之官更爲緊要

必須慎重簡擇蓋署印之人始而百計鑽營既而視如傳舍肆意貪婪圖飽慾壑或取媚上官供其索取貽害小民尤非淺鮮其於

前任虧空視作泛常接受交盤復轉授新任苟且因循虧空之弊終不得清嗣後如察出此等情弊必將委署之上司與署印之員

一併嚴加治罪爾部可卽傳知各省督撫○諭戶工二部財者利用之源古帝王足國裕民務必制節謹度朕初卽位每恐府庫台錢

中飽於胥吏之侵蝕以後凡戶工二部一應奏銷錢糧米石物價工料必須詳查嚴實開造清冊具奏毋得虛開浮估儻有以少作

多以賤作貴數目不敷覈估不實者事覺將堂司官從重治罪○命富甯安爲武英殿大學士兼吏部尚書調隆科多爲吏部尚書

以廉親王允禩爲理藩院尚書○加特古忒尚書銜仍辦理藩院侍郎事務以副都統拉錫兼署理藩院侍郎事○丙寅諭怡親王

允祥等朕受 皇考深恩四十餘年未常遠離 皇考升遐無由再瞻色笑今追想音容宛然在目御史華鶴立精於寫像昔日隨

班奏事常觀 聖顏 皇考有 御容數軸收藏內務府今 皇考年高 聖顏微異於往時著華鶴立敬憶 御容悉心薰沐圖

寫○諭總理王大臣等從前揀選庶吉士外諸進士俱留京學習三年伊等若果有心學習猶可如不用心學習則留京何益嗣後

進士中學問好者著令爲教習年滿照例錄用其餘進士等俱令回籍候缺補用○命怡親王允祥總理戶部三庫事務○以吳爾

泰爲戶部左侍郎_{由內閣}○裁廣善庫衙門停止內外官員借俸例○丁卯以石文焯爲江南安徽布政使陳安策爲江西按察使

_{由傳南}○停止直隸等四省官員運米餉軍例○戊辰以待郎查克旦自軍前擲回命革職留任並帶世職自備資斧赴軍前效勞

以河南秋收稍歉命折徵漕糧免其採買○己巳命白潢爲文華殿大學士兼兵部尚書_{由兵部}○庚午命鑲修 聖祖仁皇帝

實錄○白潢懇辭大學士命諭朕嗣紹丕基夙夜祇惕惟恐負 皇考付託之重念內閣要地襄贊匪輕特命爾入閣辦事爾具摺

懇辭朕素聞爾居官操守甚好巡撫江西時綏輯地方甚為裨益及任兵部尚書清勤恪慎 皇考每加優獎今朕以機務重大資

爾料理爾可即遵旨供職不必固辭兵部事務亦要緊仍著爾兼管○以佛格三泰常保俱為內閣學士常保由欽察御史選

○辛未先是宗人府奏親王阿哥等名上一字與 御名同應請更定 上以名諱由 聖祖欽定不忍更改禮部宜請 皇太后

裁定至是禮部等衙門具摺敬奏得旨朕嘗奏聞 皇太后諸王阿哥名上一字著改為允字○贈故一等侍衛副都統諡果毅海

青為一品致祭一次○壬申封裕親王保泰子廣善為世子○以張廷玉為禮部尚書由吏部右侍郎遷○吏部題大學士馬齊奉旨特給

一等阿達哈哈番併前所襲一等阿思哈尼哈番又一拖沙喇哈番授為二等伯准其世襲從之○癸酉遣官祭長白山醫巫閭五

岳會稽山南海歷代帝王陵寢孔子闕里○乙亥賜左都御史朱軾宅一所銀一千兩○加大學士嵩祝馬齊吏部尚書張鵬翮太

子太傅○丙子命八旗在京武職及各省駐防者俱五年一考選軍政○以黃叔琳為刑部右侍郎由內閣學士遷○楊柱綠事革職以伊

弼海為盛京兵部侍郎由左副都御史遷○戊寅御史莽鵠立恭繪 聖祖御容畢捧進於養心殿 上瞻仰依戀悲痛不勝命俟 梓宮

發引後敬謹供奉於 壽皇殿○己卯酌撤噶斯駐防兵○是歲人丁戶口二千五百三十萬九千一百七十八又永不加賦滋生

人丁四十五萬四千三百二十田地山蕩畦地八百五十一萬九百九十二頃十畝有奇徵銀二千九百四十七萬六千六百二十

八兩有奇米豆麥四百六十六萬八千八百三十三石有奇草四百九十二萬二千八百一十束茶三十五萬九千一百五十四引

行鹽五百五萬一千六百五十六引徵課銀四百四萬四千一百一十一兩有奇鑄錢四十六萬一千七百有奇

雍正東華錄二

雍正元年癸卯春正月辛巳朔頒諭旨十一道訓飭督撫提鎮以下文武各官○諭總督自古帝王疆理天下必有岳牧之臣以分

猷佐治而後四方甯謐共臻上理此封疆大臣以總督為最要也總督地控兩省權兼文武必使將吏協和軍民綏輯乃為稱職但

統轄遠遼職務繁較巡撫之所屬更大是在遴選屬僚之賢能者委任得宜則振綱飭紀可無廢弛之虞而以人報國亦得大臣

之體特是激清吏治必本大公之心虛懷察訪果係清節素著才具練達者任以要劇即行保薦則舉一可以風百今或以逢迎意

指為能以沽名市譽為賢甚至暗通賄賂私受請託不肖官吏濫列薦章而樸素無華敦尚實治者反抑而不伸是豈風勵屬員之

道乎朕視天下如一家視臣鄰如一體爾等亦宜深體此意以一家之心視兩省以一體之心視屬吏本之至公用之至當則上司

之任使下僚如身之使臂臂之使指凡有才有守之人皆樂為效用矣至於所在管轄地方有作姦犯科之豪猾倚勢剝民之搢紳

理應重加懲治乃因巧於結納反得徼倖自全而家居之大臣官員皆經 皇考任用之人致政投閒安靜自好為大吏者並不加

以禮貌或反被土豪侵欺者有之亦非所以表率屬僚彰善癉惡之道也總督與巡撫將軍提督誼屬同寅凡地方軍民事務宜互

月更迭錄 卷三十一

相商權各本虛公勿苟且雷同勿偏執意見方於國計民生有所裨益總督參劾州縣例由兩司道府揭報眾論會同所以示公也
近有參劾之後始行補揭夫果其當劾司道府不能揭報於前既有徇庇之愆而令其補揭於後又欲寬其失察之罪彼此巧飾以
欺朝廷倘得謂之至公平朕觀古之純臣載在史冊者興利除弊以實心行實政實至而名亦歸之故曰名者實之華也今之居官
者釣譽以爲名肥家以爲實而云名實兼收不知所謂名實者果何謂也爾督臣臬司固宜篤矢忠誠允當戒諭屬員痛改陋
習更有任官之初頗著廉名及身躋大位則頓易其操者古人謂之巧宦其心事豈可問乎且職居制誦亦非徒以清操自善也若
但謹身節用而遇地方大事一籌莫展雖免貪冒之名究鮮屏翰之實國家又何所倚毗耶爾督臣皆 皇考擢用之大臣朕嗣紹
丕基一切遵循成法惟冀爾等察吏安民練兵嚴餉崇實行而不事虛名秉公衷而不持偏見故諄諄告誡並兩司道府州縣各有
諭旨爾等亦宜細心體察與爾屬吏共勵官箴交相敬惕朕自優加恩禮始終保全若爾等恣意徇私不能竭忠盡職則深負 皇
考簡用之恩其罪甚大國法森嚴朕雖欲寬貸爾等不可得矣○諭巡撫國家任官守土綏輯兆民封疆之責惟撫臣爲重今之巡
撫卽古之保釐來輔之臣也一省之事凡察吏安民轉漕裕餉皆統攝於巡撫苟非正己率屬振飭勵精則一切刑政錢穀必致墮
墮拊循保障之功何賴乎夫吏治不清民何由安從來大法則小廉自兩司以至郡縣平時參見接談即可略知其才品優劣追試
以委任訪之輿情賢否清濁自難涓涓惟上官偏私好詆屬僚善於逢迎者即推爲才能其樸直自好潔己愛民之員反無見知之
地及至計典黜陟並遇選擇保題之缺或先納賄賂或責報異時始爲之薦引亦有寄耳目於監司等官聽毀譽於幕賓僚友之口
以致舉劾不公潛滋奔競勸賞黜陟既失其當地方安得良有司乎藩庫錢糧虧空近來或多至數十萬蓋因巡撫之費用皆取給
於藩司或以柔和交好互相侵那或先餉致藩司短長繼以威制勒索分肥入已徒供一身貪緣自奉之費罔顧朝廷帑藏財用之
虛及事發難掩惟思加派補庫展轉累民負國營私莫此爲甚州縣積穀本爲備荒之計水旱歉收之歲待此拯濟於民生最爲關
繫今既視爲正供之餘項藉出陳易新之名半爲胥吏中飽半爲州縣補空一遇災荒茫無賑貸皆由巡撫平時疏略包容玩愒所
致也屬實缺出委署雖由兩司詳請其實巡撫操其權下屬贊營屬託以缺之美惡定酬賂之重輕攝篆之人久則年餘近亦數月
往往視爲傳舍情同行劫不恤小民之脂膏但飽谿壑於無服務價得署之餽遺而止試思此一年數月之間窮黎何罪而可縱貪
暴以剝削之乎此等積弊尤爲國法所不容者巡撫參劾知府應由司道府揭報參劾知縣應由道府揭報所以示公慎無私之義也
近有先行參劾而令其補揭若所劾不公則其補揭未免以勢陵之使不得不從果其當劾則司道府既不能公揭於前而復巧飾
於後以寬其徇庇失察之咎上下容隱觀功令爲具文公愼無私之謂何撫標兵丁多者二千餘名少亦千餘名境內設有匪類竊
發藉以捍禦按捕令撫臣自謂無行軍進剿之職置標兵強弱於度外不加訓練器械朽鈍營伍廢弛裁汰老弱之兵空糧悉歸私
囊大非國家設兵衛民之意矣雲貴川廣徭獞雜處其奉公輸賦之士司皆當與內地人民一體休養俾得遂生樂業乃不慮朕懷

保桑遠之心嗣後毋得生事擾累致令岫岵失所至於土豪巨猾結交官吏武斷鄉曲逞奸干犯之徒每或漏縫漏網而告休歸田之大臣官員安分杜門反徇私吹索藉端陵踐此皆大失好惡之公允損保全者舊之義非鎖撫者所當留意乎爾諸臣皆荷 皇考任用之恩受全省撫綏之寄朕續承大統祇遵成憲優禮大臣保全終始惟冀爾等各抒忠悃安靖封疆朕所諭者有則悔悟速改無則省躬加勉爾司道府州縣各有諭旨爾亦詳細體察與諸屬吏共相勉勵同心協力以盡職守若不念 皇考簡畀之隆致貽地方黎庶之責負恩贖職自取罪戾朕又安能廢法以有爾乎○諭督學朕惟自古帝王皆以興賢育才為務我國朝自 太祖

太宗肇造鴻圖

世祖定鼎中夏首隆學校加意人材開國規模超越前古至我 皇考聖祖仁皇帝御極大十一年培養教育

恬冒涵濡深仁厚澤有加無已

御製訓飭士子文頒布學宮東西南朔海遼山陬戶習詩書家敦禮樂遐邇無不嚮風文教之隆

莫過於此矣朕續承大統遵守舊章鼎新求賢惟恐或失念學校為士子進身之階督學一官尤人倫風化所繫遴選各省學臣倍

加鄭重爾等須廉潔持身精勤集事實行文風兩者所當並重若徒事文華而不敦崇實行猶未為盡職也表揚忠孝節義崇祀先

聖先賢訪求山林隱逸搜羅名蹟藏書而衡文一道專以理明學正典雅醇潔為主古人云言乃心聲氣由風養必士品端而後文

風正他日為國家柱石為朝廟羽儀不綦重歟勿私納苞苴勿瞻徇情面勿輕視武途勿濫取祠蔭勿矯激沽名勿昏庸廢事勿卑

污貶節勿驕暴陵人胥吏必謹關防幕客尤宜選擇如此則內外交謐本末兼修上不負朝廷下不愧多士朕耳目所及必有見聞

若罔顧聲名廉隅不飭國有常憲罰必隨之尙其勉旃毋忽○諭提督國家武功赫赫濯綏靖區夏用資專閫統率全省將士俾黎庶

誠和疆圉甯謐提督之任綦重矣當茲海宇承平士卒狃於晏安不以兵革為事相沿日久營伍漸弛非所以肅軍政飭戎行也爾

等皆係 皇考備用節鉞之大臣尤宜恪遵令典倡率所屬將弁簡閱卒伍整理器械操演技勇平時討論軍實訓練精勤乃稱節

制之師折衝禦侮庶幾有備無患矣夫儲糧裕餉所以足兵食壯士城非為飽一人之私粟也乃虛名冒餉倥倭扣剋視為故常以

致朝廷恤兵養士之典止供將吏肥家之計居心多慾自難彈壓下僚取眾寡恩何以振興士氣提臣職任拊循果能廉正自持無

虛給餉俾士飽馬騰有不感激思奮者乎至山海要區得人最重爾身為大帥凡將佐偏裨果其智勇素著才技優長肅紀律而緝

兵民歷有成績之員或軍政薦舉或破格題請皆當予以優擢如本係庸劣之弁徇情面受賄賂始則權宜委任旋復列名保奏不

特冒干名器必致貽誤地方濫用匪人之咎其能逃於功令乎且設兵所以衛民文武官屬殊途而轄兵愛民均有責焉如各執己

見不相和協勢必有縱兵虐民挾制長吏以逞威作奸者在文臣豈容辭咎而提臣統領水陸重師管轄不嚴調劑不力致文武抗

衡兵民異視責更難追書曰同寅協恭和衷哉爾當一秉虛公和衷辦事嚴飭將弁於所屬風地實心捍衛勤緝奸宄俾居民安堵

無虞地方咸受其利益爾等皆勤勞素著效力年久之人 皇考屢加拔擢海膺斯任朕祇遵成憲優遇大臣保全終始爾等各

抒忠悃以無負朕愛養兵民之至意其總兵副將參遊等官各有諭旨爾亦應詳細體察同心協力共相策勵靖共爾位永冀封疆

一月更進象 卷三十一

○諭總兵官國家幅員廣大凡巖疆重鎮關塞要害之地設總兵俾之鎮守上承督臣之節制下樹將弁之表率輯兵安民厥任甚重居是官者當以甯謐地方爲念嚴飭官兵巡緝奸宄儻有匪類務必窮盡根株使宵小無從潛匿良民得以甯居若平時漫無覺察日久必致蔓延綢繆未雨之謂何武臣雖不干民事然保障捍衛責有攸歸守此方卽當軫念此方之民毋得視之膜外縱兵肆擾至文武職任雖分盡心王事則一彼此和衷同心共濟自不至貽誤公事况揆文振武經術同源善於恤兵必善於愛民尙何至縱兵虐民失國家設兵衛民之意乎總兵統轄營汛甚多當以訓練爲先嫺騎射整隊伍備器械長期校閱勤惰嚴分賞罰明而軍政肅隱然一長城矣所屬將弁兵丁智勇超羣則立登薦剡武藝精熟則特拔戎行以之鼓勵軍士猶有古焉將風焉兵之所需糧餉最重給糧而扣剋則師旅有枵腹之憂缺兵而不補則營伍有空虛之患總兵率先潔已嚴飭偏裨毋得久懸兵缺以恣侵漁毋得剋減額糧以肥囊橐則兵籍無虛士氣自奮有不收臂指之效者乎至於馭兵之道務在寬嚴得中過寬則兵以怠玩而生驕過嚴則兵以拘迫而滋怨能於嚴明之中隱寓愛恤之意庶幾上下一心忠義自奮此又在爾鎮臣之善爲運用也仰惟 皇考垂誠提鎮諸臣有曰韜鈴宜裕紀律宜明拊循宜至訓練宜精又曰文武輯睦毋相抗衡軍民調劑各得其平煌煌 天語勒於歲規久矣爾等皆係 皇考簡畀之人果能實心力行不致始勤終惰上負 聖訓朕心嘉乃成績必懋錫殊典如其徒擁厚祿虛糜爾位既無益於兵民致有乖於令典國法森嚴朕不爾貸也○諭布政司朕惟國家官制分省開藩爾職居方伯任寄旬宣所以綏輯羣黎布昭德意實庶邦之喉舌列服之綱維任既重矣責亦大矣府州縣官之賢不肖最關民生休戚當不時察覈治行務知其實分別臧否以告督撫爾以無私自信督撫自不以私心自疑協和盡力以勤賢懲不肖則除害興利一方安矣今計典之黜陟特疏之薦彈朝廷憑督撫之奏章督撫憑布按之詳揭爾布政爲官吏表式自當益失公忠若愛憎任情是非倒置以誦事上官通行請託爲賢不善逢迎投暮夜爲不肖其何以稱之屏之翰百辟爲憲者哉夫官至監司數歷有年當服官之初廉潔自守漸登高位頓改初心更有矯飾虛聲潛納賄賂陋俗相沿謂之名實兼收其罔上行私爲尤甚孔子謂事君勿欺當不聞乎賦役會計皆爾專司調劑均平乃爲稱職今錢糧火耗日漸加增重者每兩加至四五錢民脂民膏剝削何堪至州縣差徭巧立名色恣其苛派竭小民衣食之資供官司奴隸之用爾試思戶版稅籍誰爲職掌私派橫徵誰任其咎顧可失於覺察乎各省庫項虧空動盈千萬是侵是那總無完補耗蠹公帑視爲泛常尤爲不法宜嚴革前弊永杜侵那如司庫盤查之責在巡撫虧空之根亦由巡撫巡撫借支而布政不應者少矣然職在監司果能廉正自持則巡撫挾勢借支斷不能行但謹身節用量入爲出司庫必無虧空矣州縣庫盤查之責在知府覺察虛實之責獨在布政爾但潔已率屬不容徇庇州縣庫必不虧空矣朕深悉弊源所以反復切責之冀爾等悔且改也 皇考德治區宇六十餘年朕嗣守丕基惟成法是式爾等皆蒙○皇考簡授職任藩宣果能各效忠誠儼遵功令朕自始終保全加以擢用若營私黷貨噴賊累民爾既負 皇考之深恩朕又安能弛國家之令典三尺莫追爾其慎之○諭按察司朕惟直